

Ou te le fiafia e faataitai ni mea fou ona ou te faia i taimi uma ni mea sese. O le a se mea e tatau ona ou faia?

—Atoatoa i le Aai o Panama

## Mo Atoatoa,

Atonu e te manatu afai e te le faia ia atoatoa ni mea, o oe o se toilalo. Ae e le moni! O le mea moni, o mea sese e mafai ona fesoasoani ia te oe e aao ma faaleleia.

E fesoasoani le Tama Faalelagi ia i tatou e aao mai lea mea itiiti i lea mea itiiti (tagai Mataupu Faavae ma Feagaiga 98:12). Nai lo le taulai atu i le atoatoa, taumafai e taulai atu i le tuputupu a'e ma faifai lemu ia avea atili e faapei o Ia. Vaavaai mo mea e lelei ona e faia. Galue i le suia o mafaufauga le lelei e uiga ia te oe lava i ni manatu lelei. O le mea e sili ona taua, pe a e faia se mea sese—pe tusa ma le 20 mea sese—manava loloa, fai se tatalo, ma faaaauu pea!

Ma le alofa,  
O Le

## Liliu Atu Nei Tamai Ata i se Faatufugaga!

Sa amata e se tasi nei ata ae na taofi ina ua ia manatu e le lava lona tomai. Faaaoga lou fatufatuga e faauma ai ata taitasi. Sei o tatou vaai po o le a le mea e mafai ona tupu pe a tatou faaaauu pea!

